



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-408
fax. +387 33 726-423
e-mail: info@voda.ba

Broj: **UP-1/21-1-40-602-4/24**
Datum: **13.12.2024. godine**

«Agencija za vodno područje rijeke Save» Sarajevo rješavajući po zahtjevu Grada Goražde podnesenog putem Službe za urbanizam, prostorno uređenje i komunalne poslove za donošenje rješenja o prethodnoj vodnoj saglasnosti za aktivnost – izgradnja/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, a u postupku pribavljanja urbanističke saglasnosti za izgradnju oborinske kanalizacije, dionica u ul. 1. Maj, na osnovu člana 109. stav (1), a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

o prethodnoj vodnoj saglasnosti

1. Daje se prethodna vodna saglasnost Gradu Goražde, Služba za urbanizam, prostorno uređenje i komunalne poslove, za aktivnost izgradnja/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, a u postupku pribavljanja urbanističke saglasnosti za izgradnju oborinske kanalizacije.
2. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 3.1. Izraditi investiciono tehničku dokumentaciju potrebnu za pribavljanje vodne saglasnosti za predmetnu aktivnost na nivou potrebnom za pribavljanje odobrenja za građenje u kojoj će se dati tehnička rješenja koja se odnose na način prikupljanja, tretmana i ispuštanja atmosferskih voda sa predmetnog lokaliteta. Dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 3.2. Projektnom dokumentacijom dati tehničko rješenje polaganja kolektora sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Drinu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog dijela kolektora.
 - 3.3. Dati osnovne podatke o recipijentu, sa detaljem ispusta u isti.
 - 3.4. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
 - 3.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
 - 3.6. Pri izradi projektne dokumentacije pažnju posvetiti na položaj postojećih instalacija (vodovodne, elektro, PTT i dr.), te dati tehničko rješenje za ukrštanje ili izmještanje istih u saradnji i pod uslovima operatera tih sistema.

4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20)).
5. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže i:
 - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 6.2. Rješenje o urbanističkoj saglasnosti
 - 6.3. Dokaz o izvršenoj uplati upravne takse u iznosu od 60 KM
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane Grada Goražda putem Službe za urbanizam, prostorno uređenje i komunalne poslove dana 27.11.2024. godine podnesen je «Agenciji za vodno područje rijeke Save» Sarajevo zahtjev za donošenje rješenja o prethodnoj vodnoj saglasnosti za aktivnost – izgradnja / polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, a u postupku pribavljanja urbanističke saglasnosti za izgradnju dijela kolektora oborinske kanalizacije.

U provedenom postupku dostavljena je i pregledana sljedeća dokumentacija:

- Kopija Uvjerjenja o poreznoj registraciji za Grad Goražde - gradonačelnik izdatog dana 24.08.2017. godine od strane Porezne uprave Federacije BiH – Kantonalni porezni ured Goražde;
- Kopije Zemljišnoknjižnih izvadaka za nekretnine označene kao k.č. broj 4069/1, 1952/23, 1952/12, 1951/2, 1951/1, 1952/19, 1969/11 i 4060 K.O. Goražde I, izdatih od strane Općinskog suda u Goraždu dana 21.11.2024.;
- Kopija katastarskog plana K.O. Goražde I, broj plana: 19, UR BROJ: 07-26-3-591/2024-2 izdata dana 22.11.2024. godine od strane Službe za geodetske, imovinsko-pravne poslove i katastar nekretnina Grad Goražde;
- Mišljenje dato od strane Službe za urbanizam, prostorno uređenje i komunalne poslove Grad Goražde, broj: 04-3-19-2-807/24 dana 18.11.2024. godine;
- Izvedbeni projekat oborinskog kolektora iz naselja Obarak do rijeke Drine u Goraždu (dionica u ulici 1. Maj), urađen od strane «ENOVA» d.o.o. Sarajevo, broj: UPI/03-19-2-1562/22 dana 23.01.2023. godine,
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 30.11.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u dnevnom glasilu «OSLOBODENJE». U datom roku nije bilo pisanih izjašnjenja o predloženim aktivnostima iz zahtjeva.

Projektnim rješenjem nije planirano ukrštanje kolektora sa vodotokom I kategorije, niti je planirano polaganje istih u vodnom dobru vodotoka I kategorije izuzev dijela kolektora DN 800 od okna RO1 (novi kolektor) do vodotoka (do ispusne građevine sa žabljim poklopcem).

Nakon uvida u dostavljenu dokumentaciju te na osnovu utvrđenog činjeničnog stanja, utvrđeno je da, shodno članu 12. stav (1) tačka 1. i stav (2) Zakona o vodama a u vezi sa članom 16. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i 12. i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Aida Bezdrob, dipl.inž.grad.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- Grad Goražde, Služba za urbanizam, prostorno uređenje i komunalne poslove
Maršala Tita 2, 73000 Goražde
- ⊙ AVP Sava, ISV-vodna knjiga
- Sektor 40 – arhiva
- Oglasna ploča AVP Sava